

道門科範大全集卷之八十一
三十三
八十九

東嶽濟度拜章大醮儀

清旦行道

法事醮壇如式

各禮師存念如法

宣衛靈呪

青陽虛映 耀日回靈 神虎辟邪 飛天流鈴
摧奸滅試 萬魔東形 九微迴道 八威攝精
千真校錄 三元蕩清 左肅中黃 右策六丁
七轉八合 周旋天經 聖化巍巍 大道興行
慶雲流布 合景黃庭 輿道合真

鳴法鼓二十四通

發爐

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出者嚴裝顯
服冠帶垂纓關啓玄壇土地方域神真臣令
清旦行道謹奏為宣意其諸情悃已錄告聞
願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天金闕玉皇上帝御前

請稱法位

具位臣某某等謹虔誠上啓

虛無自然金闕七寶上帝東宮教主太乙救
苦天尊傳經演教歷代師真東嶽泰山天齊
仁聖帝淑明皇后太子貴妃殿上炳靈公西
齊靈王嶽下文武考校一切曹僚三界應感
一切真靈咸望洪慈俯照丹懇臣聞五明官
內天尊深憫於輪迴東極官中太乙常救於
苦趣蓋為黔黎之昧道不知天地之貴人隨
欲海之漂流逐愛河而沉溺罪根已積業網
難逃因貪生而喪生由求苦而得苦一辭人
世長繫陰司故太上開濟度之門惟真格有
薦拔之品許歸誠而懺罪得解考以超昇俗
累未除難免根塵之六沖科廣被必開赦宥
之三豈不矜恤於蠢愚尚可深懷於悔過奉
道其術哀茹苦瀝血輸誠嘆已切於逝川念
更深於幽圉仰惟嶽府實收召於亡魂恭啓

齋壇冀感通於帝意備著詞旨敢不上聞

宣詞

按如詞言深切哀憫蓋送死可名於大事且
臨喪必倍於哀情雖亡者不可復追夜舟難
守然存者實懷思感齋悃方伸深惟管攝之
冥司實係崇高之位岳恐尚嬰於縲繼當廣
設於津梁曲盡精誠冀蒙鍊度以今清旦朝
元行道請法眾等連茲初檢上香願此香煙
騰空徑上供奉

玉清聖境元始天尊十方道寶臣等皈身皈
神皈命以是功德上祝

今上皇帝陛下就如堯日八方均被於照臨
歌詠舜風萬類悉臻於繁阜兵不用而干戈
偃息刑不試而囹圄空虛德惟廣於好生域
盡臻於仁壽黃旗南運瑞氣長垂於斗牛青
海西還哭聲無聞於戰鬼數錫五福皆為有
道之民泰治萬年永保無疆之曆今故燒香
自歸依

道尊大聖眾至真之德得道之後昇入無為
和與道合真

臣聞珠日集真格日月之停景洞章嘯咏致
山嶽之吞煙惟因流響之雲管能感遊空之
仙聖以今清旦朝元行道請法衆等運茲二
檢上香願此香煙騰空徑上供養

上清真境靈寶天尊無上經寶臣等皈身皈
神皈命以是功德歸流醮主某等住宅太歲
尊神逐隔支干禁忌門丞戶尉月煞日遊不
貽悞犯之殃並與寧居之慶亦因惘而罔恣
各來願以來歡格猶可以度思聽每聞於介
福今故燒香自歸依

經尊大聖衆至真之德得道之後昇入無形
和與道合真

臣聞誦九天之寶章得三官之考算披三洞
之科典致百靈之護持倘依大範之巍巍必
膺遐福之簡簡以今清旦朝元行道請法衆
等運茲三檢上香願此香煙騰空徑上供養
太清仙境降生天尊十方師寶臣等皈身皈
神皈命以是功德歸流醮主某等合門昌威
舉族繁榮宜家必詠於桃夭有子常歌於采
芣禍殃掃蕩若霧捲以冰消福慶增隆如嶽

停而川至明經入仕者速升於青紫服田力
穡者累溢於倉箱式彰善積之家不憂鬼瞰
其室今故燒香自皈依

師尊大聖衆至真之德得道之後昇入無形
和與道合真

儀方 三啓 三禮

具位臣某等謹同誠上啓

虛无自然金闕七寶上帝東宮教主太乙救
苦天尊傳經演教歷代師真東嶽泰山天齊
仁聖帝淑明皇后太子貴妃殿上炳靈公西
齊靈王嶽下文武考校一切曹僚三界應感
一切真靈咸望洪慈俯昭丹懇臣聞哀死事
亡要篤如存之志履霜濡露必懷追往之心
書籍滿牀驗手容而可想栴栴在案知口澤
之猶存昔虞生前要知其疾痛痾瘳今居沒

後敢忘其拘滯沉迷路隔幽明苦惱難難於
代受情緣親愛薦嚴專務於追修神莫大於
嶽宗權常司於鬼錄每察知於功過式兼制
於死生深惟往逝之魂愆尤難免恐在拘囚
之地解脫無由用整凡誠仰祈善貸洗罪名

於黑簿煉生質於黃華速出泉關早登道岸
上明

天尊大慈之澤下副臣等皈命之誠謹啓以
聞

十二願

復鑑

謹攝香官使者左右龍虎君侍香諸靈官當
令臣向來清旦行道之所自然生金液丹碧
芝英百靈衆真交會在此香火鐘前當願十
方仙童玉女接待蘭煙傳臣向來所啓之誠
速達徑御

至真無極大道
昊天玉皇上帝御前

出堂頌 出戶

道門科範大全集卷之八十一